

欽定大清會典圖

欽定大清會典圖卷一百七十六


輿地三十八


廬州府圖

鳳陽府圖

潁州府圖

廬州府圖





廬州府在省治北四百六十里至

京師二千四百六十里領州一縣四治合肥東南

廬江巢縣無為州西南舒城大江自安慶府桐
城縣緣界東北流經無為州西南石灰鎮左納
竹絲湖水下新河水又北經鳳凰頸東其右岸
為太平府繁昌縣界至泥汊鎮受泥汊河河出
廬江縣西曰繡溪經縣治南屈東流瀦為黃陂
湖又東南通沙湖及瓦洋諸水北通白湖及後
湖諸水又東出為青帘水又東經無為州西南
右出支津二一為湖隴水匯為竹絲湖一為下


新河並注于江。永安水自州西北合數小水。屈南分流注之。又東北左納直阜水。又東南流為夾江。又東南為泥汊河。注于江。大江又北經柵港鎮。受柵港水。水上分濡須河水。西南流為運河。至州治東。襄河出州西。合數小水。環州治而東注之。折東南為馬家河。左分一支為真阜水。又東為柵港水。注于江。大江又東北左納馬腸河水。又東北其右岸為蕪湖縣界。左納與龍河水。又北入和州界。巢湖亦曰焦湖。在府治東南。跨合肥廬江巢縣三縣境。三河水上源二。一曰


後河一曰前河。後河上流為小界河。自六安州
緣界東流。經舒城縣西。界會大界河。經縣北。合
蓮花山水。桃城水為後河。與前河會。前河亦曰
馬柵河。出舒城縣東南。若拔山。東北流。左納黃
楊河。巴楊河諸水。右納山七里河。烏紗河諸水。
又東。經縣治南。為上中下七里河。歧為三。北合
後河南。合南港水。並東流。經三河鎮南。合東流
匯於湖。肥水出合肥縣西。將軍嶺。合長岡店水。
東南流。經府治北。又東南。店埠水。東土山水。唐
陽橋水。合南流。注之。又南。匯於湖。大蜀山水。方

家橋水周公水千字山水合東南流匯于湖冷水關水東北流匯於湖。柘皋河出巢縣西北左合一小水匯於湖。湖水東出經巢縣治南為黃雒河。一曰天河。又東南清溪水緣和州含山縣界南流注之。又經無為州東北為濡須河。折南支津右出為運河。折東支津右出為馬腸河。又東緣和州界支津右出為奧龍河。正渠又東北入和州界。滁水出合肥縣北黃泥墩東南流左合護城南北水。諸佛寺水小馬廠水。右合陷陂湖水。石塘橋水東西黃山水。東流入滁州全椒。

縣界。南肥河亦出將軍嶺西北流合胡家橋水。鐵索澗水入鳳陽府壽州界。金家橋水出縣西南。北流入六安州界。閭澗水出縣西北土山。北流亦入壽州界。麻埠河出縣北。東流入鳳陽府定遠縣界。羅昌河出廬江縣南平頂山。南流入安慶府桐城縣界。高子水自桐城縣東北緣界南流合曹王水。白兔水仍入桐城縣界。府東界和州。西界六安州。南及西南界安慶府。北及西北界鳳陽府。東南界太平府池州府。東北界滁州。

鳳陽府圖





鳳陽府在省治北六百七十里至

京師一千九百八十五里。領州二縣五。治鳳陽。南
定遠。西南鳳臺壽州。西北懷遠宿州。北靈璧。淮
水自潁州府霍邱縣東流入界。經壽州西南正
陽關。淝水自六安州來。經州西南。隱賢集。緣霍
邱縣界北流。經迎河集。右分支為泄水。又北泄
水自安豐塘西北流來會。又東北緣潁州府潁
上縣界。又東經州西。及鳳臺縣西南。沙河支渠
自潁上縣來。分流注焦岡諸湖。又東流注之。淮
水又北。左通焦岡董奉諸湖。又東北經州治西。

北受南肥水。水自廬州府合肥縣北流入界。經壽州東南謝家墩。東北流左右合數水。經瓦埠鎮。潄為瓦埠湖。閭澗水二源亦自合肥縣來。經州東南合西北流注之。又西北經陡澗鋪西。柳槐澗自六安州北流入界。經州南合泄水北流。潄為安豐塘。又北分流出阜口坊合二水東北流注之。又北環州治而西合西湖水注於淮水。淮水又西受董奉諸湖水。湖上承沙河支渠於鳳臺縣西南鄒家港北流。復分右注焦岡湖。又北會花水澗及涿溝水為小泊。東出亦注焦岡。

湖。又東右通淮水。北出為董奉湖。又北注於淮。水。淮水屈東經硤石口。受西肥河。河一曰夏肥水。自潁州府阜陽縣東南流入界。經縣西北胡家集。獅子溝。自潁州府蒙城縣來南流注之。又東屈西南錯入潁上縣界。復東流經高家樓東。湓泥河亦自蒙城縣來左分為黑河。又南流注之。又屈東南注於淮水。淮水又經縣治南而東。芡河一名沙河。自蒙城縣南流入界。經懷遠縣西左為正渠。其分支經鳳臺縣北。絕黑河東。泥河而南。為北裔溝。南裔溝。又西南合駕河水。屈

東合東泥河支津曰蘆溝水。又南合倉林水。注於淮水。淮水又東受湯魚湖水。湖上源即黑河。分溼泥水於縣西北。錯入蒙城縣界。復東南流。經李興集。絕北裔溝而東。東泥河出縣西北。絕南裔溝而東。左分爲蘆溝。又東會黑河。又東匯于湖。又南出兩港。並注淮水。淮水又東屈北。經懷遠縣南。洛河自合肥縣北流入界。經定遠縣西。壽州東左通閭澗水。又北右納一水。經爐橋鎮左。納一水。又北經懷遠縣南。蔡城塘水東北流注之。又北經新城口。注於淮水。淮水又北。芟

河正渠東流注之。又北經縣治東。天河一名西濠水出鳳陽縣西南鎔鄒山。合官溝水十里橋水。西南流經縣東南合盤塘郭陂湖水。又北經塗山西折西注之。淮水又北。渦河自蒙城縣來右合界溝水入界。又東南注之。又東經府治西北胡家橋徐家橋水合北流注之。又東經長淮衛北。北肥水自蒙城縣來左出為界溝。又東南流左出二港合澮河。又東南注淮水。淮水又東南右納方邱湖水。又經府治北而東。濠水上源為殷家澗女兒潭諸水。經上方橋合東北流。經

臨淮關西注之。又東緣泗州五河縣界。屈東北。花園湖合鹿塘劉佛塘小溪河紅心澗諸水北流注之。又東北經浮山北入泗州五河縣界。楊疇湖在靈璧縣北。東為陵子湖孟山湖崔家湖南繞土山為禪堂湖土山湖。上源為睢河。自江蘇徐州府蕭縣東南來。經宿州西北合溪河。東南流岱山河龍山河。並自蕭縣來西南流注之。又南右出支津通巴溝河。又東右出支津為沙溝。又東左納彭溝桃溝水。又東右出支津為唐溝。又東會北股河。北股河亦自蕭縣南流經州。

西南東南流右出為彭溝。左納化家湖蔣家湖及三山湖水。又東右出為桃溝。十字河上承蕭縣來之溜水河。及唐家諸湖水南流注之。又東奎河亦自蕭縣來合十字河水南流注之。又南流會睢河。又東折南為新斜溝。會南股河。河自永城縣來東流為巴溝河。經宿州西北會洪河。東南流左合睢水支津。右通蔣家湖。又東左合沙溝水。右出為北運溝。又東左出為呼溝。又東右合唐溝水。又東會於新斜溝。又東經靈璧縣西北瀦于湖。蔣家湖上承南股河水。又絕北運

溝而東為蓮花池。左為呼溝水。又東為潘家湖。為麻湖。經縣西北。亦匯於湖。漁溝水上承蕭縣資河水。東南流經靈璧縣東北古城口。左合房村河水。右合青家湖水。又東南分流。右通沫山湖。左合峯山肺河。為兩渠並匯於湖。湖水南出三溝。正渠曰斜溝。中曰土山溝。右曰崔家溝。斜溝南流。潴為石湖。南出為岳家河。土溝崔家溝合南流。環靈璧縣治。分一支為羅家溝。來注之。又東南合長直溝。入泗州界。其自靈璧縣分支南流者為大路西溝。會柯家湖水。又東南為北


沱河亦入泗州界。紫蘆湖上承北運溝水。絕蔣家湖環宿州治而南。右出為唐溝。為南運溝。又東南。諸為紫蘆湖。復南出支港二。又東流為沱河。左出為梁溝。又東南經靈璧縣西南。右出為栗澗。又東。右通馬路溝水。桃家溝。葛家溝。並分柯家湖水南流注之。又東南經濠城。集入泗州界。馬路溝上分栗澗水。東南流。右出為陡溝。又東南。左合沱水分支。右出為貝溝。又東南。右出為北直溝。又東南入泗州五河縣界。滄河亦曰渙水。自河南歸德府永城縣東南流入界。經宿

州西折南流苞河自潁州府渦陽縣來東流注之。又東南左合赤湖運斗湖橫隄湖諸水。又東南左合唐溝陳溝水。右分支夾蘄縣集而南為雙龍溝。又東南紫蘆湖二港水及梁溝並南流注之。又東南右出為田家湖。又東南栗澗上承沱河水南流左出為馬路溝。又西南注之。又東南經靈璧縣西南左合陡溝貝溝水。又南受潁河。河即古解水一名穀水。出宿州南。二渠並東南流。北肥河分支自蒙城縣來東流注之。雙龍溝二水東南流注之。又東南北納田家湖水。經

靈璧縣西南注澮河。澮河又東南右通北肥水。又東北直溝分兩渠並南流注之。又南經順河集亦入五河縣界。池河上源出廬州府合肥縣東北曰麻埠水東流入界。經定遠縣東南折北流石塘湖水出縣北東南流經縣東南合馬長澗水張橋水折北流注之。又東南左合水滂湖水右合五尖山水。經池河鎮為池河。又東左合小水。又東北入泗州盱眙縣界。府東界泗州。西北界潁州府。北界江蘇徐州府。南界廬州府。西北界河南歸德府。西南界六安州。東南界滁州。


潁州府圖一


中



[illegible]

潁州府圖二
南





潁州府在省治北八百四十里。至

京師一千八百二十里。潁州一縣六。治阜陽。東南潁上霍邱亳州。西北太平。東北蒙城渦陽。淮水自河南光州息縣來。經阜陽縣西南緣界東南流。汝水自河南汝甯府新蔡縣緣界東南流來會。又東南經地里城折東北入境。谷河出縣西油店橋東南流注之。又東經三河尖受史河。河自息縣東北流入界。經霍邱縣西北泉河亦自其縣來合張家塘水注之。又東北注淮水。淮水又東經潁上縣南霍邱縣北。清河自府治

西南流絕大潤河。屈東南流注之。又東大潤河出阜陽縣西南。合數水。東北流。會小潤河。絕清河而東。經潁上縣。潤河集注之。又東。經趙家集。受西湖水。湖上流曰緯河。出霍邱縣南梅山。合下螺山諸水。北流。匯為洪塘湖。又北出。合新開河。為西湖。又北。夾任家集。為二港。注於淮水。淮水又東南。經溜子口。受東湖水。湖上承減水。自六安州北流入界。經霍邱縣治。東南合二小水。經白澗口。匯為東湖。又東北流。注於淮水。淮水又東南。潁河亦至六安州北。流經縣東南。滋陽

寺緣鳳陽府壽州界西北流來注之。又東折北經西正陽關受潁河水。水自河南陳州府沈邱縣東南流入界。經太和縣西北界首集東南流八丈河。亦自其縣來匯為聶家湖。東南流注之。又東南經縣治西。又東南經阜陽縣西北至三里灣。小沙河自沈邱縣來合流。鞍河及延河柳河白洋湖西七里湖水東流來會。又東南七里湖合府治城河北流注之。又東茨河即古細水。自河南歸德府鹿邑縣來合。西泓河宋塘河谷河北八丈河伍名溝梁莊湖水來會。又東南經

潁上縣西北左納烏江水右納江家湖水。又經縣東北左合樊家湖荆家湖水。經縣治北又東至楊家腦南。左出為沙溝。又東南至沫河口並注淮水。入鳳陽府壽州界。西肥河自鹿邑縣東南流入界。經太和縣北亳州南。絕宋塘河東南流。忠心溝上承渦河水。左出為乾溝。又西南流注之。又東經阜陽縣東北苗家集。右出為母豬港。左受清游湖水。又東南右出為梁莊湖。又東南錯入鳳陽府鳳臺縣界。復經潁上縣東北折東南合濟水。仍入其縣界。渦河自鹿邑縣東流。

入界經亳州西合清河。經州治北而東。馬尚河
上承古宋河。自歸德府商邱縣來南流注之。又
南急三道河。自鹿邑縣來東流。右出為宋塘河。
又東北流注之。又南清水河亦自鹿邑縣來。絕
宋塘河而東為十字河。又東南左出為百尺河。
並東流注之。又南左納漳河水。又南右出為忠
心溝。折東經渦陽縣。右出為龍鳳溝。梭溝界溝。
又東經縣北。武家河水上承沙河。自商邱縣來
東南流注之。又東南五毒溝水合白泥湖窪水
注之。又東南左出為銀溝金溝。又東南經蒙城

縣西北左出為沙溝右納七里溝水。又東南左出二支港。又東南合界溝水入鳳陽府懷遠縣界。清游湖在渦陽縣西南。匯乾溝龍鳳溝梭溝界。溝水南通西肥河。東出復為蔡湖。南通花溝水。左納銀溝金溝水。又東南出為茨河。又經蒙城縣西。又東南左納沙溝麻山溝水。右出為獅子溝。湮泥河大溝三水。又東南經棗木橋入鳳臺縣界。北肥水自歸德府永城縣南流入界。經亳州東。渚為花馬潭。左通苞河。又南流經渦陽縣北。新興鎮為白湖窪。又東南經龍山營。右出

為五毒溝。又東南經蒙城縣南檀城集。右出為
七里溝。又東左出支港。東流入鳳陽府宿州界。
正渠又東南右出為界溝。又東入鳳陽府懷遠
縣界。苞河自永城縣南流入界。經亳州東北。右
通花馬潭水。又東南錯入其縣界。復緣界東南
流。經渦陽縣東北石弓山。又東南入宿州界。花
水澗。涿溝出潁上縣東北。俱東南流入壽州界。
府東界鳳陽府。西界河南汝甯府。南及西南界
河南光州。北及東北界河南歸德府。西南界河
南陳州府。東南界六安州。

欽定大清會典圖卷一百七十七

輿地三十九

廣德州圖


滁州圖


和州圖

六安州圖

泗州圖

廣德州圖





廣德州在省治東六百二十五里至


京師二千七百八十里領縣一。西北建平。郎川一。
一名綏溪。上源曰桐川水。出州西南白石山。北流。
左納一水。又北屈東。福巡溪合。上汭下汭諸水。
北流來會。又東北經誓節渡。右納英溪水。又東。
北經建平縣東南山下鎮。北會鯉洪溪。溪上源。
為環溪。甘溪俱出。州東南石鼓山。並北流。合東。
亭湖水。為鯉洪溪。又西北雄溪。石溪。乾溪。合北。
流注之。又經州治北。碧溪水。出州東義蒼山。西。
南流注之。又西北九斗川。出州北五花巖山。合。


杭村諸水由西南流注之。又西北經建平縣東
南。與桐川會為合溪。又西北為郎川。屈西經縣
南。又西瀦為南漪湖。西南跨甯國府宣城縣界。
其支渠西流。合北河水。蕩南湖水。亦入宣城縣
界。裏南湖在建平縣南。方家鋪水匯焉。梅渚河
出建平縣北。東北流入江蘇鎮江府溧陽縣界。
州東至南界浙江湖州府。西界甯國府。北界江
蘇鎮江府。東北界江蘇常州府。西北界江蘇江
甯府。

滁

州

圖





滁州在省治東北六百五十里至

京師二千二百五里。領縣二。西南全椒。東北來安。滁河自廬州府合肥縣東南流入界。經全椒縣西折東。緣和州含山縣界。左合二小水。又東經陳家市。緣和州界。屈東北流。經全椒縣東南觀音庵圩。襄水出縣西北石白山。東南流合白酒岡水。楚迷溝水。查澗水注之。又東北經州治南。錯入江蘇江甯府江浦縣界。復經來安縣南。受烏衣河。河出來安縣西北嘉山。曰秋沛水。東南流。右納獨山水。經州北。右納盈福河水。又南。瓦店河出。

州西北磨盤山合曲亭澗諸水東南流注之屈
東南經州治東小沙河貫城東流注之紅沙澗
上源曰雙沛河出來安縣清河嶺南流注之又
東南來安水出縣北馬嶺合高官水經縣東合
白石塘水南流注之又東南注于滁河滁河又
東赤山湖上游曰吳沛水出來安縣東西龍山
南流注之又東入江甯府六合縣界白塔水出
來安縣寶山右合長店水入泗州天長縣界小
馬廠水出州西南合一水西南流入合肥縣界
注滁水州東及東南界江蘇江甯府西及西北


界鳳陽府。南界和州。北及西北界泗州。西南界
廬州府。

和

州

圖

[illegible]




和州在省治東北四百六十里至


京師二千二百八十里。領縣一。西北含山大江。自廬州府無為州緣界北流。經州東南。其右岸為太平府蕪湖縣界。又北受裕溪水。水為濡須水正渠。上源為巢湖。自廬州府巢縣來。青溪水出含山縣西青山。合黃溪及二小水。緣巢縣界南流注之。又緣含山縣界東南流。經運漕鎮。又經州西南至三汊河。左出支津為牛屯河。又東經雍家鎮。折北經裕溪鎮。注于江。大江又北。其右岸為當塗縣界。又經西梁山營。

北受牛屯河。河上承濡須水。支津自三汊河東
北流。經銅城閘。合銅城閘水。又東北經州西南
為牛屯河。亦曰運河。又東。左出支渠。絕五港。經
州東而北。注太陽河。其正渠東經牛屯汛。注于
江。大江又北。受麻湖諸支津水。湖在州西北。上
為含山縣河。出縣西北大方山。東南流。經縣治
南。合數小水。又東南。經張家橋。瀦為麻湖。又東
出歧。為太陽河。為歷湖。為姚下河。諸水至州治
東。歧為五港。並絕牛屯支渠。而東注于江。大江
又北。黃水湖東流。為白洋水。合諸支港。注于江。

大江又北。石跋河上承若湖水。東流注之。又東北。經烏江鎮。左納駐馬河水。又東北入江。蘇江甯府江浦縣界。滁河自滁州全椒縣來。經含山縣西北。緣界東流。合一小水。又東經河村。準至州西北。右納紅草湖水。又東北經官渡。仍入其縣界。州東及東南界太平府。西至南界廬州府。北及西北界滁州。東北界江蘇江甯府。

六安州圖





六安州在省治西北四百四十里。至

京師二千九百五十里。領縣二。西南霍山英山。淠河一名沘水。出霍山縣西南碁盤嶺。北流。右合漫水河。桃源河水。又東北受中埠河。河出縣東南界砦拔山。合數小水。西北流。甄家山草牛山諸水注之。又北流。太陽河出門檻嶺。合數水。東北流。注之。又東北。右合柳林河。注淖水。淖水又東北。經縣治西。一水自州西南境東流。注之。又北。右納下店河。折西北。經州西南兩河口。壁河出州西南清風嶺。合二水。東北流。注之。又屈東

北左右各納一小水。又東北右納陡步水。陽家水。又經州治西而北。空籠山水合一小水。東北流注之。又北左納徐家集水。右納蔡家河。又北合一水入鳳陽府壽州界。落里河一曰英山河。出英山縣東北。二源。西曰西洪河。東曰東洪河。西洪河出西界嶺。西南流。小陽河出碁盤嶺。西南流注之。又西南左右各合數小水。又經縣治西。右納西陽河。為落里河。折南會東陽河。河上源為東洪河。出東界嶺。合數水。西南流為東陽河。經縣西南。左納北澗河。又西南會落里河。落


里河又南左納大坂河水。屈西南至阜角樹雞
鳴河。自湖北黃州府蘄州來。經縣東南瓦寺前。
緣界西北流。注之折西入蘄水縣界。柳槐澗出
州東南龍穴山。北流。左右各合數小水。入壽州
界。小界河出州東南楮皮嶺。東北流。其右岸為
廬州府舒城縣界。又東北右納陶家河。又東北
苦竹水。一曰大界河來會。又東北入舒城縣界。
黃楊河出霍山縣東南。東北流。亦入舒城縣界。
減水一名窮水。亦名豐水。出州南窮谷。東北流
入潁州府霍邱縣界。小河水自霍邱縣來。緣州


界東北流。仍入其縣界。州東及東南界廬州府。
西至北界潁州府。南及東南界安慶府。東北界
鳳陽府。西南界河南光州。湖北黃州府。

泗

州

圖





泗州在省治東北八百八十里至

京師二千二百里。領縣三。東南五河。盱眙。天長。淮水自鳳陽府鳳陽縣來。緣界東北流。經五河縣西南。又經縣治東。受岳河水。水自鳳陽府靈璧縣東南流。合長直溝水。入界。經州西南。合其縣之北沱河。沱水馬路溝水。又經五河縣北。澮水亦自其縣來。合香澗湖水。亦龍澗水。又東北流來會。又東南注淮水。淮水又東。受潼河。河上自長直溝。分為荀家溝水。東南流。洋城湖亦分長直溝水。東流注之。又東南。環州治絕汴水故渠。

而南為潼河。左合一水。潄為天井湖。又南流注淮水。淮水又東南。左為大柳港。右為桃溪。池河自鳳陽府定遠縣來。東北流合許家河。水分流注之。澗溪水北流。分三港來注之。折東北。河稍橋水。磨刀澗水並北流注之。又東北。經縣治北。潄為洪澤湖。東接江蘇淮安府桃源清河二縣界。溧河安河自其北。匯焉。滾子澗合枳頭橋水。與搖蕩溝水並自其南。匯焉。雙溝水自其西南。匯焉。東南分為蔣家五壩。並洩湖水入江蘇揚州府寶應縣界。睢河分長直溝水。自渭橋東北。

流。右納搜箭溝水。又東。潞為四山湖。黑塔湖。謝家溝水。並北流注之。又東入江蘇徐州府宿遷縣界。汴河故渠。自州治西承長直溝水。絕潼河而東。左納搜箭溝。黑塔湖。謝家湖。胡家溝。秦家溝水。東南流注于洪澤湖。石梁河出天長縣西三山。屈東南。白塔河自滁州來安縣東流入界。合一小水注之。又東經縣治北。冶山水出縣南。冶山西北流注之。又東北至丁口。右納感蕩湖水。支津東出為丁溪湖。合洋湖水東北流入江蘇揚州府高郵縣界。正渠折北流。左納沂湖水。

銅城河水又北入揚州府寶應縣界。小河秦蘭河並出天長縣東南。東北流入高郵州界。州東及東北界江蘇淮安府。西至南界鳳陽府。北界江蘇徐州府。東南界滁州。江蘇揚州府江甯府。